


Euro Business

Poslovni magazin EEN mreže u Bosni i Hercegovini
Broj 8



CE

Sa CE znakom na
evropsko tržište



EU program Kultura 2007-2013



Radionica o regionalnoj
poslovnoj konkurentnosti



Projekat finansira
Evropska unija

VANJSKOTRGOVINSKA KOMORA BOSNE I HERCEGOVINE
EURO INFO KORESPONDENTNI CENTAR BIH (EICC BiH)

POKRENUT CEFTA PORTAL

Povodom CEFTA sedmice 2010. koja je održana u Beogradu, osam potpisnica Sporazuma CEFTA 2006 pokrenulo je "CEFTA Trgovinski Portal" na web adresi www.ceftatradeportal.com.

Ovaj portal je pokrenut uz podršku Njemačke tehničke saradnje (GTZ) u ime njemačkog federalnog Ministarstva za ekonomsku saradnju i razvoj.

Portal sadrži sve relevantne i praktične informacije potrebne za saradnju sa potpisnicama sporazuma o slobodnoj trgovini CEFTA 2006.


Cilj Portala je da skрати vrijeme i smanji troškove preduzeća u prikupljanju informacija koje su potrebne pri realizaciji uvoza i/ili izvoza u okviru CEFTA Sporazuma, kao i da poveća transparentnost trgovinskih procedura. Pored toga portal uključuje obrazloženje svake faze trgovinskih procedura kao i on-line listu relevantnih dokumenata koji su potrebni kompanijama prilikom uvoza ili izvoza roba i to na svim službenim jezicima zemalja potpisnica CEFTA Sporazuma, kao i na engleskom jeziku.

Osim toga, Portal ima za cilj da pruži sve relevantne informacije javnim organima u CEFTA zemljama radi upoznavanja sa propisima i pravilima trgovine u ovom region.



PRVE MEĐUNARODNE AKREDITACIJE LABORATORIJA METALURŠKOG INSTITUTA ZENICA

Pripremila: Neira Delić, dipl.ecc.



Metalurški institut

„Kemal Kapetanović“ Zenica je institucija koja od svog postanka do danas ima za cilj biti vodeća institucija u oblasti nauke, istraživanja, ispitivanja i svih djelatnosti iz svog domena koje su na usluzi poduzetnicima i privredi, te društvenoj zajednici i svim drugim interesnim grupacijama u društvu. Idući ka tom cilju Institut je sagledao problematiku i uključivao se u one oblasti koje bi bile neophodne za zadovoljavanje zahtjeva kupaca i šire zajednice. U tom pravcu devedesetih godina prošlog vijeka Institut je prepoznao važnost uključivanja u procese standardizacije, te organizovao tim koji je radio na izučavanju ISO standarda te pripremi infrastrukturu, kadrova i dokumentacije za uvođenje sistema kvaliteta u poslovanje. Obzirom da je to bilo vrijeme kada je Bosna i Hercegovina krenula u ovaj proces, to su se kadrovi Instituta aktivno uključivali u ovaj proces i u organima i institucijama Bosne i Hercegovine.





Saglasno tome Institut je tokom proteklog perioda među prvima dobio akreditacije za laboratorije od strane Instituta za akreditaciju BiH. Kvalitet svojih usluga i laboratorija Institut je odlučio verifikovati i na međunarodnom planu te je od 2009. godine započeo projekat akreditovanja nekoliko laboratorija od strane Norveškog Akreditacionog tijela koji je 05.01.2011. godine okončan i krunisan certifikatom ovog tijela.

Šta znači ovaj certifikat za Institut, privrednike i širu zajednicu, govori činjenica da će rezultati ispitivanja koja se izvrše u Metalurškom institutu Zenica biti priznati u međunarodnom poslovnim okruženju čime će privredni subjekti povećati svoju konkurentnost. To znači da kompanije mogu vršiti kontrolu kvaliteta svojih proizvoda u Bosni i Hercegovini, te sa validnim certifikatom nuditi svoje proizvode na međunarodno tržište. Pored toga, BiH kao država u procesu prelaska na tržišnu ekonomiju i ulazak na međunarodnu privrednu scenu, može računati da ima instituciju koja je osposobljena za kontrolu kvaliteta određenih proizvoda.

Navedeni proces akreditacije Metalurški institut Zenica proširuje i na druge djelatnosti te poslovanje Instituta u cjelosti. U tom smislu Institut je u ranijem periodu dobio ovlaštenje Hrvatskog registra brodova (HRB) čime je privrednicima omogućeno da izvezeni proizvodi ispitani u Institutu budu prihvaćeni i priznati pored ostalih i na hrvatskom tržištu.

